

Tous les seditieux ont esproué de mesme  
 Soubs le sceptre puissant du grand Henri quatriesme,  
 Mettant leurs fols desseins à *eternelle fin* ;  
 Et ayant deschassé les assauts de Belloune,  
 Le grand Dieu tout-puissant fauorable nous donne  
 Pour succeder à luy monseigneur le dauphin.

Fasse des cieux benis la celeste influence  
 Qu'en l'age d'un Nestor il regisse la France ,  
 Pour voir esleuer grands tous ses petits enfants :  
 Car sous son bras fatal tousiours ce grand empire  
 Soubs les lois d'une paix benignement soupire.  
 Par la paix les subiets sont tousiours trionfans.

Receuez , Monseigneur, cette pieuse offrande.  
 Si le don est petit, l'affection est grande :  
 C'est pour vous exprimer ces esbats lyonnois.  
 Nous prierons tousiours l'assistance diuine  
 Que, par son Saint-Esprit, elle vous illumine  
 Comme aimé dans nos cœurs et loué dans nos voix.

Que chacun à l'enuy vous aime et vous reuere,  
 Que chacun vous appelle et *gouuerneur et pere*,  
 Soulas des orphelins, des veufues le support :  
 Que Lyon, presque à bas, en son lustre florisse,  
 Qu'il reprenne soubs vous l'ancienne police ,  
 Et que , soubs vos faueurs, il se rende plus fort.

O diuin Saint-Esprit qu'un saint enthousiasme  
 Illumine ma muse, et sans cesse m'enflame  
 Pour chanter vos vertuz d'une esclatante voix :  
 Que l'honneur que ie dois à ma chere patrie  
 Tesmoigne que sans fin ie consacre ma vie  
 A mon Dieu, à mon Roy, ainsy qu'un bon Gaulois.

LOUYS GARON.